

Die Magierin

1. Markiere deinen Text mit Farbe, so dass du ihn schnell findest.
2. Übe deine Rolle, so dass du dich nicht mehr auf den Inhalt konzentrieren muss.
3. Versuche dich in die Rolle zu versetzen und versuche den Text so auszusprechen, wie es unter "Besonderheit" beschrieben ist.
4. Übt nun den die Szene in der Gruppe.

Rolle	Abkürzung	Besonderheit	Leseniveau
Erzähler:in	E	Ruhige Stimme	hoch
Winnie	W	Flippig, schnell, fröhlich	mittel
Tack	T	Nachdenklich, ängstlich	tief
Magierin (als Krähe)	M	Krächzende Stimme	hoch

E	D'Winnie und de Tak laufed vorsichtig durd Trümmer. Überall hets Rauchschwade, mängisch gseht mer di zwei Chinde fast nöme. Am lgang ime bsunders grosse Stei vode Muur ischs Symbol vode Magierin igritzt, s gliche wie i de Fiole. De Tak untersuecht de Stei ganz genau, während d'Winnie überd d'Reste vo de Muure balanciert. Aber..... was macht si denn jetzt?Si blibt stah und lost ganz agsträngt... jetzt hüpfst si sogar vom Müürli abe, macht es paar Schritt nach links... und jetzt es paar nach rächts! Was het si ächt ghört?
W	Tack, chum schnäll da here, ich glaub i dem Brunne hets en Geist, schnäll chum!
T	Was? So en Seich, Geister sind nur erfundeni Figure, es isch nie empirisch bewise worde, dass es Geister tatsächlich git. I mim Buech...
W	Schwafle nöd so vill, Tak. Chuum eifach! Ich ghör öpis!
E	Hmm... e gspässigi Sach. Jetzt hängt sich d'Winnie über de rundi Steibrunne und luegt durs Gitter. De Tak isch au nöcher cho und spitzt sini Ohre
M	Krahh...kraahhh... wiso muss au usgrächnet MIR das passiere.... Das isch bestimmt nur will ich die Kringelwurzle usem Tüfelsmoor verwändet han, krah.... aber denn wär ich trotzdem no en Mänsch...
W	Hee duu da une..... Wär bisch duu?
M	Krah... wär sind ihr? Lönd mich in Rueh!
W	Ich bin d'Winnie und näb mir isch min Brüeder Tak. Aber... wär bisch denn du? und wiso bisch du da une?

M	Ach... ich bin d' Magierin Mona Makrux. Krah... und hüt... isch min Unglückstag!
W	DU bisch d' Zauberin? Wiso redsch denn du so komisch? und wiso hocksch da une im Brunne?
M	Ach... genau DAS isch ja mis Unglück, ihr chäcked scho nüt! Hüt lauft eifach alles schief.... potz Kakerlake-Topf...en richtig miiiise Tag. Irgendwie isch wohl e Chräiefädere vo mim Zaubermantel i min Trank gheit und das het zunere riisige Explosion gfüert...krah.... und wohl leider au zu minere eigene Verwandlig...
T	Was? Du hesch dich sälber verwandelt? Chum doch mal ufe, demit mir dich gsehnd, vilicht chömer dir ja hälfe!
M	Nei.... ich gseh schreeeeeklich us, ich traue mich nöd as Tageslicht... lieber blib ich da une.
W	Du wetsch doch nöd echt dis Läbe lang da i dem Brunne hocke? Chum, gib der en Ruck! Mir lached dich au bestimmt nöd us!
E	Uiuiui... wer händ denn d'Winnie und de Tak da entdeckt?! E verwandleti Zauberin? Wo sich im Brunne versteckt? ob die ächt use chunt? oh... ..jetzt ghöri öpis... was? was isch denn.... das??? En Rab? Nei, eher chli chliner, e Chräie? Oh ja... und zwar, wies schiint, e <u>sprächendi</u> Chräie!
M	Krah... wehe ihr lached...ich chan nonig guet flüge...krah... immerhin isch das min erste Tag im Körper vome lumpige, nichtsnutzige Vogel!
T	Boah verbrännti Hirnzälle!... du bisch ja wüerklich en Vogel!
M	Krah... ich find das aber gar nöd toll!
T	Das isch doch nöd so tragisch. Du chunsch ja offebar guet drus mit Tränk und Magie. Sicher chasch ganz eifach en Trank mache zum dich wieder zruigg verwandle.
M	Du bisch mer dänn en naive Burscht! Chiiinde sind scho UNMÖGLICH! Lueg doch mal ume! Gsesch du no öpis vo mim ganze Labor? Das alles hät sich i wenige Sekunde zumene grosse Hufe Äsche verwandelt!

E	<p>D' Magierin tönt wüirklich chli nacheme Pächvogel...</p> <p>D'Winnie und de Tack fröged d'Magierin no es Wiili uus und findet debi use, dass es vilicht doch en Wäg chönti gä, si wider zrug zverwandle... zwar chönds ihre Turm wohl nöd rettä, aber zumindest <u>ihre</u> wänds gern hälfe...au wenn si e chli bissig isch.</p> <p>Nach eme Wiili fangt si a vonere uralte Legände Zverzelle. Nach dere sind vor vilne Jahr di mächtigste Magier ufem Pfannestil zäme cho und händ gmeinsam en Chraftstei erschaffe, wo so mächtig isch, dass er jede no so starki Fluech ufhebe chan.</p> <p>Vili händ vo dem Stei ghört und ihn wele stähle, drum het de Magierzirkel ihn i drü Teil gsprängt und die a verschidene, gheime Ort versteckt.</p> <p>I alte Büecher wird das vo Magier zu Magier überliferet, aber obs die Bruchstück wüirklich git, weiss niemert so genau.</p> <p>Ah.. ich glaub de Tak isch scho voller Tatedrang, er schultered uf jede Fall sin Rucksack und zieht d'Winnie mit sich zum Weg, wos Tobel duruf füert. Und d'Chräie?... die hüpfht ihne hinter här.... d'Winnie het verbarme und laht si uf ihre Arm flattere.</p>
---	---